



B.P. : 24

Tél : 22-21-04

Bamako (Mali)

Pariti "UDPM" laadili jèkulu ka lajè 4 nan baaraw bilaia yèrèlabèn walew kadara kònò

Mali jamana welenw ka kelenyatèn "UDPM" belefara nin ka lajè 4 nan baaraw kera Bamako, Faso togola, se la, k'a ta san 1986 marisi kale tile 29 na, k'a bil'a tile 31 na, e ye Pariti laadili jèkulu de ye.

Pariti laadili-jèkulu ye "UDPM" belefara de ye, min bè pariti kow taabelow dantigè, kongèrè fila furancè kònò. A mógow sugandilen bè Pariti sekisón bèe lajèlen kelen-kelen kònò. Olu hakè ye 52 de ye sisan, jamana fan bèe kònò.

Mógow minnu bè sugandi ka fara sekisónw cidenw kan, olu ye ciyakèda wèrèw ka cidenw ye, i n'a fò: politikikow belefara, fangaso belefara, sérédasijèkuluw belefara, jamakuluténw nyémogow, i ke musow, demisénw ni baarakèlaw ani kényèrèyew ni Mali jamana kèkan.

Pariti laadilijèkulu mógow de bè pariti kow latèmèjèkulu "BEC" mógow bila-sira. U b'e mógow sugandi, k'u bèe la-

jèlen ka walew dantigè, i n'a fò kongèrè b'a nyini coge min yèrè la.

Hakililajigin siratigè la, ni pariti laadilijèkulu ye pariti kow latèmèjèkulu "BEC" mógow sugandi, olu fana bè sérè, ka pariti nyèmogoba, i k'a sekeretèri zenerali sugandi, n'e ye jamana fangaso kuntigi, zenerali Musa TARAWELE ye.

Nin b'a jira ko pariti laadilijèkulu ye "UDPM" belefara kelegirin de ye, jamana mógow suguya bèe lajèlen n'a ciyakèda suguya bèe lajèlen ka cidenw bè nyégón sérè nin kònò. A jèkulu b'a ka laadala tén-sigi kè, sinyè kelen, san kònò. Nk'a bè tén-sigi balalenw fana kè. O bè sérè pariti sekeretèri zenerali, wali, jèkulu in yèrè mógow fanba dèw ka nyinini kèsón.

Kabini Pariti "UDPM" sigira sen kan san 1979 la, n'e san 7 ye nyinan, san

1986 ye, laadilijèkulu in y'a ka lajèba kè sinyè naani, ka sérè kongèrè ka laadala kunbèn ta ye fila ye.

Jateminè la, Pariti laadilijèkulu ka lajèba 4 nan in benna Pariti "UDPM" sigili san 7 nan ma. A jirala k'a baaraw kera mógow 229 nyè na, mógow 258 kan, minnu y'a kénomogow bèe lajèlen hakè ye.

Peresidan Musa TARAWELE ye jamana hamankew n'a wasakow, i k'a b'a bole sama fèn minnu nòkan, hèrè ni lafiya basigili sira kan, a y'olu dantigè, k'a miirinataw jira jama la.

O la, da sera gèlèyaw ma. Mali ni Burukina Faso ka dancèko kèlè b'olu la. Bale yèrèlabèko b'u la, ani sahelikungoko ni faranyègèkan walew, sérèdaw la, dugubaw ni kungo kònò duguw hakè la, Jikew, jiriturukew, tasumadenkew, dugutènkew, tibilidibikew, sérèyiriwalikew bèe la-



"UDPM" SEKERETERI ZENERALI NI MALI FANGASO KUNTIGI ZENERALI MUSA TARAWELE

jèlen gèlèya fèra Peresidan Musa TARAWELE fè.

O kow latèmèko suguya dèw kera sababu ye ka yèrèlabènko fè, k'o fana gèlèya, k'a d'a kan, salaya, yèrèlabila, fugariya, tinyèli n'u nyégónaw na jamana kelen si bè nógow la fèlè.

A ye fèrè dèw jira, minnu béli u sira fè, e bè se ka tén-denw, i ke jamana denw, fara nyégón kan, ka pariti galabu kènèya, ka kow latèmècoge nógoya, ka yiriwali baaraw teliya, ka nyètaa walew caya, sira bèe kan.

A ka yèrèlabènkew n'a ka fèrè firalenw bè tali kè wale minnu kan, politik nyémogow, fangasew nyémogow, jama-

kuluténw, jèkulu wèrèw ni kényèrèyew ka kan, ka minnu faamuya kesèbè olu filè :

- Pariti belefara lawèrèli n'u jirani, kabini sanfèlè fè duguma, i ke duguw kònò, jamana fan bèe la.

- téndenw kunnafonikew basigili, walasa bèe ka bè ke


bèe kala ma, kabini kungow kònò, fè dugubaw kònò.

- Walew bolodaliko nyuman, k'u jèya bèe lajèlen nyè na, bèe k'i ka nafa ye, ka tila, ka dugu ka nafa ani jamana yèrè ka nafa ye.

- Ka pariti ani fangaso kow latèmèliko nógoya bèe lajèlen bole, walasa, a kana kè dèw nyè na, k'olu tè jamanden dèw ye. A b'i n'a fè fanga bolili, a coge yèrè la, min b'a barika, k'a benya k'a kè fanga nafama ye.

O kow lajèli kèsón, laadilijèkulu mógow tilala, kulu ni kulu ye, minnu y'olu bila bole kelen kan, k'u kèli wajibiya nyémogow bèe ma, sira kan, yèrè bèe la ani tuma bèe la.

A baaraw dagun tuma, pariti sekeretèri zenerali, n'e ye jamana fangaso kuntigi, zenerali Musa TARAWELE ye, e yèrè ye laadilikan caman fè, kuluw bèe lajènyè na, minnu kelen kelen nyémogoya tun bè minisirw ani sekisónw ka cidenw be-



Peresidan Musa TARAWELE wasalen bora

Wagadugu kumbèn kènè kan

Arabodon, san 1986, marisi kalo tile 26, Burukina Faso galo-duguba wagadugu kera Afiriki tilebinyanfan jamana 7 ka jèkuluw faaba ye, hadamaden miliyon 40 nyogon bè minnu kono.

Jamana 7 ninnu ka lajè saba, n'o ye Afiriki tilebinyanfan sorokè jèkulu "CEAO" ka kumbèn II nan ye ani u ka nyogondemè ton dè, lakanani sira kan. "ANAD", o ka kumbèn 7 nan, ani Lipitako Guruma jamanaw : Mali ni Nizèri ni Burukina Faso, elu nyemogow ka nyogonye 4 nan, elu bée de ye tonba saba in konèkow fèsèfèsè.

Jamana kuntigi minnu sera wagadugu kumbèn kènè kan, u bée kumbèna Burukina Faso jamana kuntigi Kapitèni Tomasi SANKARA fè, ni "CEAO" nyemogoya tun b'ale de belo nyinan.

Mali kelenya pariti "UDPM" Sekeretèri zenerali ni fangaso kuntigi zenerali Musa TARAWELE n'a balimakè Tomasi SANKARA ye nyogon ye kèrenkèrennya la; o kè a ni Kodiwari ni Senegali Peresidan ye Wagadugu yaala nyogonfè. U temena yorò e yorò, u kumbèna ni bonya ni karama ye u ka jama-nañenw ni Burukina fasodenw fè.

Maliden minnu bè Burukina faso olu m'u to to, kabini awiyonjigin kènè fo a jiginniso da la, u ye foliko nyuman ani walenyumandèn lase zenerali Musa TARAWELE.

Araba wulada, "CEAO" lajè dayèlèla Kapitèni Tomasi SANKARA ka nyemogoya kono. A ye kuma ta jèkulu saba togò la,

minnu Peresidanya tun b'a belo, n'o ye "CEAO" ni "ANAD" ni Lipitako Guruma ye, k'a sinsi walew kan, minnu tun kalifar'a ma u timeliko nyuman kèlòsili kadara kono Bamako, san 1984, kumbèn waati.

O walew kolegirinw tun ye "CEAO" ka juru dè sarabaliya konyèw nyenaboli ye, min tun donna Mohamedi JAWARA la ani ton bilali sira tilennen kan ni gerentè sigili ye a wari-kow kan, ka jatinè kè nafolo donda n'a boda la.

Kapitèni Tomasi SANKARA ko, k'a ye gèlèya caman sorò a ka baara sira kan, nka o n'a ta bée a y'a seko damajira kè ka dannaya minen fa, dannaya min dar'a kan a jenyogon Peresidan tow fè. A ye fèerè minnu siri ton bilali la sira nyuman kan, ka densen kura don a koro, walasa mogow tège ka f'a la dinyè kono, a y'elu bée fèsèfèsè "CEAO" jamana kuntigiw nyè na.

Min ye fareba fènw labaarali kòlòsili ye, "CEAO" jamanaw denw bée ka herè si-

ra kan, Kapitèni Tomasi SANKARA k'a ma sòn mogò kelen k'o kè lenburuba ye k'o bisi a da kono, ka mogò tow to sègèn ni nyegan na, k'a sorò bée dun ka kan u la.

Senegali Peresidan Abudu JUFU ye kuma ta Kapitèni Tomasi SANKARA kofè, k'a yèrè ni jamana nyemogò tow bée lajèlen ka foli ni walenyumandèn kè Burukina faso fangaso nyemogow ni Burukina Fasodenw bée lajèlen ye bonya ni karama kòson, u bisimilala ni min ye Wagadugu kono. A ye Burukina faso gòfèrenama fo, a ka cèsiri la, ka ton nyemogoya baaraw b'u sira fè. A ye foli kèrenkèrennen k'u ka nyenatigè ye, n'o ye Kodiwari Peresidan HUFUYE BUWANYI ye, min ka nyemajè b'u bè fili la tuma caman.

Sanni tonsigi ninnu ka kuncè, a jirala ko Mamadu HAYIDARA, n'o ye Mali taransiporokew ni forobasira baaraw minisiri ye, k'o bilala Dirisa KEYITA nò na, n'o fana ye Maliden ye, min tun ye "CEAO" Sekeretèri zenerali ye.



PERESIDAN TOMASI SANKARA BE KA PERESIDAN MUSA TARAWELE KUMBEN

Tonsigilaw benna ciyakèda dèw jòli kan Kodiwari ani Benen jamanaw kono, minnu benna nyèsin jagoko kunnafonikow n'o sèbenko wèrèw ma "CEAO" jamanaw ni nyogon cè. U ye ton ciyakèda kèrenkèrennen dèw baarali nafolow dantigè, ka tila k'a nyini belodinyogonma den dèw ka labila "CEAO" ja-

manaw denmisènw ye. "CEAO" jamana nyemogow benn'a kan ka Moritani jamana kuntigi Mawuya Sidi Amèdi Uludu TAYA kè "CEAO" Peresidan ye Kapitèni Tomasi SANKARA nò na.

Min ye "ANAD" tonsigi bènkanw ye, Mali ni Burukina Faso ka fonyogonkè waati, Kodiwari awiyon min binna herè basigili-ko la jamana fila ni nyogon cè, ka Kodiwarika 4 bonè u ni la, jamana kuntigiw b'a fè ka hakililajigin kaburu dè labèn mogò fatulen ninnu ye, awiyon kaskasara in keyorò la. U y'u kan di fèerè nyenama caman kan bolodinyogonma siratigè la lakananiko la.

Min ye Lipitako Guruma nyogonye bènkanw ye, jamana kuntigiw jenna ni dugujukoróji nyinini fèerè sirilen ye ani nègèjurisiraw boli jamanaw ni nyogon cè ani ja n'a masibaw kèlèli nkaniya talen; n'o benna folò tumutu ni Gaya cè babole labenni na ani babili dèw dilanni Tesayi ani Kandaji.

